

*meђусобна права и обавезе између концесора и концесионара, без провођења поступка додјеле концесије.*

## 7. Чињенично стање и став Суда

Уставни суд Федерације је утврдио да је неспорно да на подручју Зеничко-добојског кантона постоје више правних субјеката, који већ изузетно дуго врше експлоатацију природних ресурса, као што су рудници у Варешу и Брезу, а да њихов статус концесионара није у правном смислу адекватно ријешен.

Такођер, неспорно је да се наведени концесионари оспореним Законом изузимају из редовног поступка додјеле концесије како је то уређено Кантоналним законом о концесијама. Мада је у оспореном закону наведено да су услови за закључивање уговора о концесији по повољнијем условима условљени постојањем јавног интереса и сагласности локалне заједнице, у поступку пред овим Судом, друга страна није понудила доказе којим би оправдала предложено рјешење, а у сврху постојања општег јавног интереса.

Анализирајући предложена рјешења у оспореном Закону, Уставни суд Федерације пошао је од одредби члана II.A.2. (1) ц) Устава Федерације Босне и Херцеговине којим је прописано право на једнакост пред законом. Свако поступање законодавца на начин да се у одређеном пропису утврди искључиво фаворизирање појединог привредног субјекта у односу на друге, а да није оправдано легитимним циљем, представља повреду загарантованог права на једнакост пред законом. Законодавац може прописати другачији третман пред законом појединих привредних субјеката искључиво у циљу правичног изједначавања положаја свих субјеката у друштву, али за исто је нужна релевантна аргументација законитог циља уз постојање јавног интереса која у конкретном случају у току трајања поступка није предочена овом Суду. Из тих разлога Уставни суд Федерације је донио одлуку као у изреци пресуде.

У односу на повреду члана II.A.2 (2) б) Устава Федерације Босне и Херцеговине на коју се подносилац такођер позива, Уставни суд Федерације указује да се иста односи на политичка права грађана Федерације Босне и Херцеговине, па споменута уставна одредба није релевантна у конкретном поступку. Такођер, није релевантан захтјев подносиоца о неусаглашености оспореног Закона са Федералним законом о концесијама, јер Уставни суд Федерације не утврђује законитост већ искључиво уставност. Уставни суд Федерације није одлучивао о привременој мјери с обзиром да је донесена одлука о меритуму, па је одлучивање о привременој мјери беспредметно.

Ову пресуду Уставни суд Федерације је донио једногласно у саставу: др Ката Сењак предсједница Суда, Сеад Бахтијаревић, мр Ранка Цвијић, Домин Малбашић, Александра Мартиновић и Младен Срдић, судије Суда.

**Број: У-7/13**  
26.06.2013. године  
С а р а ј е в о

Предсједница  
Уставног суда Федерације  
Босне и Херцеговине  
**др Ката Сењак, с.р.**

## SKUPŠTINA

**372.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 44. sjednici održanoj dana 25.09.2013. godine, d o n o s i:

## ZAKON O PRAVOBRANILAŠTVU

### DIO PRVI - OSNOVNE ODREDBE

#### Član 1. (Predmet Zakona)

Zakonom o pravobranilaštvu (u daljem tekstu: Zakonom) se uređuju djelokrug, organizacija i način rada institucije pravobranilaštva, uslovi za izbor i razrješenje kantonalnog i općinskog pravobranioca u Zeničko-dobojskom kantonu (u daljam tekstu: Kantonu) i njihovih zamjenika, te saradnja s drugim općinskim i kantonalnim organima.

#### Član 2. (Osnovni pojmovi)

- (1) Pravobranilaštvo je nezavisan i samostalan kantonalni, odnosno općinski organ u Kantonu, odnosno općini, koji u skladu sa propisima, preduzima određena pravna sredstava i mjere u svrhu pravne zaštite imovine i imovinskih interesa Kantona, odnosno općine.
- (2) Kantonalno pravobranilaštvo Zeničko-dobojskog kantona se osniva i ukida kantonalnim zakonom, a općinsko pravobranilaštvo odlukom općinskog vijeća.

- (3) Kantonalni pravobranilac je zakonski zastupnik Kantona, koji preduzima pravna sredstva i mjere radi pravne zaštite imovine i imovinskih interesa Kantona.
- (4) Pravobranilaštvo ima pečat, u skladu sa zakonskim i podzakonskim aktima o pečatu.

### **Član 6.**

#### **(Grb i zastava)**

- (4) Općinski pravobranilac je zakonski zastupnik općine koji preduzima pravna sredstva i mjere radi pravne zaštite imovine i imovinskih interesa općine.
- (5) Pravobranilaštvo obavlja i druge poslove određene zakonom.
- (1) Sjedište Kantonalnog pravobranilaštva je u sjedištu Kantona, a na zgradi u kojoj je smješteno pravobranilaštvo moraju biti istaknuti naziv pravobranilaštva i grb Kantona, a kada je zakonom predviđeno i zastave Bosne i Hercegovine, Federacije Bosne i Hercegovine i Kantona.

### **Član 3.**

#### **(Dostavljanje podataka)**

- (1) Kantonalni, odnosno općinski organi i organizacije, javna preduzeća, privredna društva sa udjelom državnog kapitala i druga pravna lica (u daljem tekstu: organi i pravna lica), dužni su nadležnom pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona, odnosno općine, radi preduzimanja pravnih radnji i sredstava na koje je pravobranilaštvo ovlašteno.
- (2) Na zgradi u kojoj je smješteno općinsko pravobranilaštvo moraju biti istaknuti naziv pravobranilaštva i grb općine, a kada je zakonom predviđeno i zastava Bosne i Hercegovine, Federacije Bosne i Hercegovine, Kantona i općine.

### **Član 7.**

#### **(Primjena propisa)**

- (2) Organi i pravne osobe iz stava (1) ovog člana dužni su, na zahtjev pravobranilaštva dostaviti podatke, obavještenja i spise koji su mu potrebni za preduzimanje radnji na koje je ovlašteno.
- (3) Pravobranilaštvo preduzima pravne radnje i pravna sredstva za ostvarivanje funkcije iz stava 1 ovog člana i na vlastitu inicijativu.
- (1) Propisi kojima se uređuje radno-pravni status državnih službenika i namještenika u organima državne službe, u skladu se primjenjuju i na državne službenike i namještenike u Kantonalnom, odnosno općinskom pravobranilaštvu, ako ovim zakonom nije drugačije određeno.
- (2) Propisi koji se odnose na rukovođenje i odgovornost rukovodioca organa uprave u skladu se primjenjuju i na pravobranioca i njegove zamjenike ako ovim zakonom nije drugačije određeno.

### **Član 4.**

#### **(Proporcionalna zastupljenost i rodna neutralnost izraza)**

- (1) Struktura zaposlenih u pravobranilaštvu okvirno će odražavati nacionalnu strukturu stanovništva, prema popisu stanovništva iz 1991. godine.
- (2) Riječi i pojmovni sklopovi koji imaju rodno značenje bez obzira jesu li u Zakonu korišteni u muškom ili ženskom rodu odnose se jednako na muški i ženski rod.

### **Član 5.**

#### **(Upotreba jezika, pisma i pečata)**

- (1) U pravobranilaštvu su u ravnopravnoj upotrebi: bosanski, hrvatski i srpski jezik.
- (2) U pravobranilaštvu se mogu koristiti i ostali jezici kao sredstvo komunikacije.
- (3) U pravobranilaštvu službena pisma su latinica i ćirilica.

### **Član 8.**

#### **(Obavljanje funkcije)**

Pravobranilac svoju funkciju obavlja samostalno u skladu sa ustavom, a na osnovu zakona, drugih propisa i općih akata.

### **Član 9.**

#### **(Sukob interesa)**

- (1) Pravobranilac i njegovi zamjenici ne mogu obavljati niti jednu drugu javnu ili profesionalnu dužnost niti biti članovi izvršnih tijela političke stranke.
- (2) Pravobranilac i njegov zamjenik ne mogu vršiti službu ili posao koji bi mogao uticati na njihovu samostalnost, nezavisnost ili bi umanjivao njihov društveni ugled ili posao koji je inače nespojiv sa obavljanjem službe pravobranioca.
- (3) O nespojivosti službe ili posla iz stava (1) i (2) ovog člana odlučuje ministar Ministarstva.

### Član 10.

#### (Pristup informacijama i obaveza čuvanja tajne)

- (1) Pravobranilac ima pravo tražiti i dobiti informacije te ima pravo uvida u podatke i dokumente od kantonalnih organa i organizacija odnosno općinskih službi, javnih preduzeća, privrednih društva sa udjelom državnog kapitala i drugih pravnih lica, u skladu sa propisima o tajnosti podataka.
- (2) Pravobranilac, zamjenici pravobranioca, državni službenici i namještenici zaposleni u Kantonalnom, odnosno općinskom pravobranilaštvu obavezni su poštivati propise o tajnosti i zaštiti podataka za vrijeme i nakon prestanka rada u pravobranilaštvu, bez obzira na način na koji su te podatke doznali.

## DIO DRUGI – NADLEŽNOST I ORGANIZACIJA PRAVOBRANILAŠTVA

### POGLAVLJE I. NADLEŽNOST PRAVOBRANILAŠTVA

#### Član 11.

##### (Poslovi pravobranilaštva)

- (1) Pravnu zaštitu imovine i imovinskih interesa Kantona obavlja Kantonalno pravobranilaštvo Zeničko-dobojskog kantona (u daljem tekstu: Kantonalno pravobranilaštvo).
- (2) Pravnu zaštitu imovine i imovinskih interesa općine obavlja općinsko pravobranilaštvo.
- (3) Kantonalno pravobranilaštvo obavlja poslove pravne zaštite imovine i imovinskih interesa Kantona, odnosno kantonalnih organa, upravnih organizacija, službi kao i drugih institucija koje nemaju svojstvo pravnog lica (u daljem tekstu: organi i tijela Kantona), a finansiraju se iz Budžeta Zeničko-dobojskog kantona (u daljem tekstu: Budžet Kantona).
- (4) Općinsko pravobranilaštvo obavlja poslove pravne zaštite imovine i imovinskih interesa općine i njenih organa i tijela koja nemaju svojstvo pravne osobe, a finansiraju se iz budžeta općine. Po zahtjevu mjesne zajednice, pravobranilaštvo će se u ime općine umješati u određeni imovinsko-pravni spor na strani mjesne zajednice.
- (5) Kantonalno pravobranilaštvo, odnosno općinsko pravobranilaštvo ne zastupa organe i tijela Kantona, odnosno općine i njena tijela u radnim sporovima već to vrši osoba zaposlena u organima i tijelima Kantona, odnosno općine, koju za to odredi rukovodioca organa

i tijela Kantona, odnosno općine, izuzev radnih sporova pokrenutih radi novčanih potraživanja.

#### Član 12.

##### (Opće odredbe u zastupanju)

- (1) U poslovima zastupanja pravobranilaštvo kao zakonski zastupnik Kantona, odnosno općine, preuzima pravne radnje i pravna sredstva radi zaštite imovine i imovinskih interesa Kantona, odnosno općine, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, odnosno općine kada je na to ovlašteno zakonom.
- (2) Organi i tijela iz člana 10. ovog zakona dužni su blagovremeno obavijestiti pravobranilaštvo o slučajevima u kojima ih je ono ovlašteno zastupati i ulagati pravna sredstva i preduzimati druge zakonom određene pravne radnje, te mu dostaviti svu potrebnu dokumentaciju.
- (3) Poslove zastupanja organa i tijela iz člana 11. ovog zakona, pravobranilaštvo obavlja u svim sudskim i upravnim postupcima u kojima ima položaj i prava stranke u postupku u skladu sa zakonom.

#### Član 13.

##### (Stručna pomoć i mišljenje)

- (1) Pravobranilaštvo pruža stručnu pomoć organima i pravnim licima iz člana 3. ovog zakona u rješavanju imovinsko-pravnih pitanja.
- (2) Organi i pravna lica iz člana 3. ovog zakona su dužni pribaviti mišljenje pravobranioca na ugovore i odluke o sticanju i otuđenju nekretnina u vlasništvu Kantona ili općine, prije njihovog zaključenja: na ugovore o kupoprodaji, zamjeni, zakupu, prenosu na privremeno i trajno korištenje stvari uz naknadu ili bez naknade, ugovora o koncesiji, ugovora o građenju i udruživanje sredstava za građenje, kao i drugih ugovora kojima se pribavljaju stvari ili raspolaze stvarima, odnosno materijalnim pravima u vlasništvu Kantona i općina.
- (3) Pravobranilaštvo daje mišljenje iz stava (1) i (2) ovog člana najkasnije u roku od 15 dana od dana prijema zahtjeva i potrebne dokumentacije, a u posebno složenim slučajevima u roku od 30 dana.
- (4) Organi iz člana 3. ovog zakona dužni su zaključeni ugovor dostaviti pravobranilaštvu u roku od 15 dana od dana zaključenja ugovora.

- (5) Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 5.000, 00 KM (slovima: pet hiljada KM), nije obavezno pribavljanje pravnog mišljenja pravobranioca.
- (6) Ako pravobranilaštvo ocijeni da je zaključeni ugovor ništavan, podnijet će tužbu za utvrđivanje ništavnosti, a u slučaju da ugovorena cijena ne odgovara prometnoj vrijednosti podnijet će tužbu za poništenje ili izmjenu ugovora.

## **POGLAVLJE II. ORGANIZACIJA KANTONALNOG PRAVOBRANIŠTVA**

### **Član 14.**

#### **(Funkcija kantonalnog pravobranilaštva)**

- (1) Funkciju Kantonalnog pravobranilaštva vrše Kantonalni pravobranilac i njegovi zamjenici.
- (2) Kantonalni pravobranilac predstavlja Kantonalno pravobranilaštvo, rukovodi njegovim radom i obavlja druge dužnosti utvrđene zakonima Federacije Bosne i Hercegovine, ovim zakonom, drugim kantonalnim propisima i općim aktima.
- (3) Broj zamjenika Kantonalnog pravobranioca utvrđuje odlukom Vlada Kantona na prijedlog ministra Ministarstva za pravosuđe i upravu Zeničko-dobojskog kantona (u daljem tekstu: ministar Ministarstva).

### **Član 15.**

#### **(Zamjenik kantonalnog pravobranioca)**

- (1) Zamjenik Kantonalnog pravobranioca obavlja poslove iz djelokruga Kantonalnog pravobranilaštva koje mu odredi Kantonalni pravobranilac.
- (2) U zastupanju pred sudovima i drugim organima zamjenik kantonalnog pravobranioca ima ovlaštenja Kantonalnog pravobranioca.
- (3) Kada je Kantonalni pravobranilac spriječen ili odsutan, zamjenjuje ga zamjenik koga on odredi i o tome donosi pisano rješenje.
- (4) Na osnovu punomoći Kantonalnog pravobranioca stručnom saradniku u Kantonalnom pravobranilaštvu se može povjeriti preduzimanje određene radnje u pojedinačnom predmetu u postupku zastupanja Kantona pred sudovima i upravnim organima, u slučaju kada su Kantonalni pravobranilac ili zamjenik Kantonalnog pravobranioca spriječeni za preduzimanje te radnje

### **Član 16.**

#### **(Imenovanje i smjena pravobranioca i njegovog zamjenika)**

- (1) Kantonalnog pravobranioca i njegovog zamjenika imenuje i smjenjuje Skupština Kantona na prijedlog Vlade Kantona u postupku utvrđenim ovim zakonom, i u skladu sa posebnim propisima.
- (2) Postupak i proceduru imenovanja i smjene Kantonalnog pravobranioca i njegovog zamjenika, kao i postupak udaljenja od vršenja službe provodi Ministarstvo.
- (3) U slučaju da pozicija kantonalnog pravobranioca ostane upražnjena Skupština Kantona na prijedlog Vlade Kantona imenuje vršioca dužnosti kantonalnog pravobranioca iz reda zamjenika kantonalnog pravobranioca.

### **Član 17.**

#### **(Uslovi za imenovanje)**

- (1) Za kantonalnog pravobranioca može biti imenovano lice koje je državljanin BiH, ima VSS, VII stepen stručne spreme, diplomu visokog obrazovanja, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja, pravne struke, položen pravosudni ispit i iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim licima u trajanju od najmanje pet godina nakon položenog pravosudnog ispita, kao i druge uslove utvrđene posebnim propisima.
- (2) Za zamjenika kantonalnog pravobranioca može biti imenovano lice koje je državljanin BiH, ima VSS, VII stepen stručne spreme, diploma visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, pravne struke, položen pravosudni ispit i iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim licima u trajanju od najmanje četiri godine nakon položenog pravosudnog ispita, kao i druge uslove utvrđene posebnim propisima.

### **Član 18.**

#### **(Trajanje mandata)**

- (1) Kantonalni pravobranilac imenuje se na četiri godine i može biti ponovo imenovan.
- (2) Zamjenik Kantonalnog pravobranioca imenuje se za obavljanje službe bez ograničenja trajanja mandata.

**Član 19.**  
**(Svečana zakletva)**

Kantonalni pravobranilac i njegovi zamjenici prije stupanja na dužnost daju zakletvu pred predsjedavajućim Skupštine Kantona koja glasi: “Zaklinjem se da ću se u vršenju službe kantonalnog pravobranioca/zamjenika pravobranioca pridržavati Ustava i zakona Bosne i Hercegovine, Federacije Bosne i Hercegovine i Zeničko-dobojskog kantona i da ću službu obavljati savjesno”.

**Član 20.**  
**(Plaća i osnovica za obračun)**

- (1) Kantonalni pravobranilac i njegov zamjenik imaju pravo na plaću.
- (2) Način obračuna i polazna osnovica za obračun plaće kantonalnog pravobranioca i zamjenika kantonalnog pravobranioca jednaka je obračunu i polaznoj osnovici za obračun plaće državnih službenika

**Član 21.**  
**(Koeficijenti za obračun plaća)**

Koeficijente za obračun plaće Kantonalnog pravobranilaštva i zamjenike kantonalnog pravobranioca utvrđuje Vlada Kantona, kao i druge naknade.

**Član 22.**  
**(Pojedinačna prava)**

O pojedinačnim pravima Kantonalnog pravobranioca iz radnog odnosa utvrđenim ovim zakonom i drugim aktima odlučuje Premijer Kantona a o pravima zamjenika odlučuje Kantonalni pravobranilac.

**Član 23.**  
**(Prestanak mandata za vršenje dužnosti)**

- (1) Mandat pravobranioca prestaje:
  - a) nakon isteka perioda na koji je imenovan;
  - b) kada navršši starosnu dob za obavezan odlazak u penziju;
  - c) u slučaju podnošenja ostavke;
  - d) u slučaju njegove smjene;
  - e) ako se dokaže na osnovu medicinske dokumentacije da je trajno izgubio radnu sposobnost za vršenje dužnosti pravobranioca.
- (2) Pravobranilac može podnijeti ostavku na svoju dužnost i nastaviti vršiti dužnost pravobranioca do odluke Skupštine Kantona o ostavci. U slučaju podnošenja ostavke, pravobranilac Skupštini podnosi ostavku u pismenoj formi uz naznaku datuma ostavke.

Mandat pravobranioca prema točki c) stav (1). ovog člana ističe na dan kada Skupština Kantona prihvati njegovu pismenu ostavku.

- (3) Kada pravobranilac ispunji zakonski uslov za obavezan odlazak u penziju zbog starosti njegov mandat prestaje sa danom ispunjenja starosne dobi.
- (4) Mandat pravobranioca u slučaju iz stava (1). tačka d) ovog člana ističe na dan koji utvrdi Skupština Kantona.
- (5) U slučaju kada je izvjesno da će doći do prestanka obavljanja dužnosti pravobranioca prije isteka mandata, ministar Ministarstva bez odlaganja o tome obavještava Skupštinu Kantona, kako bi se započeo postupak imenovanja na buduće upražnjeno mjesto pravobranioca a najmanje 60 dana prije isteka mandata.

**Član 24.**  
**(Postupak smjenjivanja)**

Kantonalni pravobranilac i zamjenik kantonalnog pravobranioca će biti smjenjen ako se utvrdi da je:

- a) osuđen za kazneno djelo koje ga čini nedostojnim za obavljanje dužnosti;
- b) izvršio težu povredu dužnosti;
- c) neuredno ili nekvalitetno obavljao dužnost.

**Član 25.**  
**(Podnošenje prijedloga za smjenu)**

- (1) Na inicijativu ministra Ministarstva Vlada Kantona podnosi Skupštini Kantona prijedlog za pokretanje postupka smjenjivanja Kantonalnog pravobranioca i njegovog zamjenika.
- (2) U postupku smjenjivanja Kantonalnog pravobranioca i zamjenika Kantonalnog pravobranioca omogućit će se izjašnjavanje o razlozima smjenjivanja.

**Član 26.**  
**(Podnošenje ostavki)**

- (1) Kantonalni pravobranilac i zamjenik Kantonalnog pravobranioca mogu podnijeti ostavku.
- (2) Kantonalni pravobranilac i zamjenik Kantonalnog pravobranioca podnose ostavku Skupštini Kantona putem Ministarstva.
- (3) Ostavka je prihvaćena kada o tome odluči Skupština Kantona.

- (4) Kantonalnom pravobraniocu i zamjeniku Kantonalnog pravobranioca prestaje obavljanje dužnosti slijedećeg dana od dana kada je ostavka prihvaćena.

#### **Član 27.**

##### **(Prava po prestanku mandata)**

- (1) Kantonalnom pravobraniocu koji ne bude ponovo imenovan, prestaje dužnost pravobranioca istekom mandata.
- (2) Kantonalnom pravobraniocu koji nakon isteka mandata ne bude ponovo imenovan, a ne postoji mogućnost da se rasporedi na radno mjesto na koje je bio raspoređen prije imenovanja ili drugo mjesto koje odgovara njegovoj stručnoj spremi, pripada pravo na plaću u visini njegove posljednje plaće i na druge naknade, uključujući zdravstveno i penziono osiguranje, do ponovnog zasnivanja radnog odnosa, a najduže dvanaest mjeseci nakon prestanka mandata, u kojem periodu je u radnom odnosu u Kantonalnom pravobranilaštvu.
- (3) Naknada iz stava (2) ovog člana ne pripada Kantonalnom pravobraniocu i njegovom zamjeniku koji podnesu ostavku ili budu smijenjen.

#### **Član 28.**

##### **(Udaljenje od vršenja službe)**

- (1) Kantonalni pravobranilac, odnosno zamjenik kantonalnog pravobranioca bit će udaljen od vršenja službe ako je protiv njega određen pritvor.
- (2) Rješenje o udaljavanju u slučaju iz stava (1) ovog člana do okončanja postupka, donosi Skupština Kantona na prijedlog Vlade Kantona a po inicijativi ministra Ministarstva.

#### **Član 29.**

##### **(Odredbe o izuzeću)**

- (1) Odredbe procesnog zakona o izuzeću sudija ili sudija porotnika u skladu se primjenjuju i na izuzeće Kantonalnog pravobranioca i njegovog zamjenika.
- (2) O izuzeću zamjenika Kantonalnog pravobranioca odlučuje Kantonalni pravobranilac, a o izuzeću Kantonalnog pravobranioca odlučuje ministar Ministarstva za pravosuđe i upravu Zeničko-dobojskog kantona.

#### **Član 30.**

##### **(Obavljanje drugih poslova)**

- (1) Stručne i administrativno-tehničke poslove u Kantonalnom pravobranilaštvu obavlja određeni broj državnih službenika i namještenika koji se utvrđuje Pravilnikom o unutrašnjoj organizaciji Kantonalnog

pravobranilaštva kojeg donosi Kantonalni pravobranilac uz saglasnost Vlade Kantona.

- (2) Broj državnih službenika i namještenika utvrđuje se srazmjerno broju pravobranilaca.

#### **Član 31.**

##### **(Izveštaji o radu)**

Kantonalno pravobranilaštvo podnosi Skupštini i Vladi Kantona jednom godišnji izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Kantonalnog pravobranioca.

### **POGLAVLJE III. ORGANIZACIJA OPĆINSKOG PRAVOBRANILAŠTVA**

#### **Član 32.**

##### **(Općinsko pravobranilaštvo)**

- (1) Pravnu zaštitu imovine i imovinskih interesa općine, odnosno jedinice lokalne samouprave (u daljem tekstu: općine), obavlja općinsko pravobranilaštvo.
- (2) Općinsko pravobranilaštvo osniva općinsko vijeće.
- (3) Dva ili više općinskih vijeća mogu odlukama osnovati zajedničko pravobranilaštvo.
- (4) Odlukom iz stava (2) i (3) ovog člana utvrđuje se posebno: sjedište pravobranilaštva, način osiguranja sredstava za njegov rad, broj zamjenika općinskog pravobranioca i dan početka rada.

#### **Član 33.**

##### **(Imenovanje i smjenjivanje sa funkcije)**

- (1) Funkciju općinskog pravobranioca vrši općinski pravobranilac i njegov zamjenik.
- (2) Općinskog pravobranioca i njegovog zamjenika imenuje i smjenjuje općinsko vijeće na prijedlog općinskog načelnika u postupku utvrđenim ovim zakonom i u skladu sa posebnim propisima.
- (3) Općinski pravobranilac imenuje se na četiri godine i može biti ponovo biran.

#### **Član 34.**

##### **(Zamjenik pravobranioca)**

- (1) Zamjenik općinskog pravobranioca obavlja poslove iz djelokruga Općinskog pravobranilaštva koje mu odredi općinski pravobranilac.
- (2) U zastupanju pred sudovima i drugim organima zamjenik općinskog pravobranioca ima ovlaštenja općinskog pravobranioca.

- (3) Zamjenik općinskog pravobranioca imenuje se za obavljanje službe bez ograničenja trajanja mandata.

### **Član 35.**

#### **(Uslovi za imenovanje)**

- (1) Za općinskog pravobranioca može biti imenovano lice koje je državljanin BiH, ima VSS, VII stepen stručne spreme, diplomu visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, pravne struke, položen pravosudni ispit i iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama u trajanju od najmanje četiri godine nakon položenog pravosudnog ispita, kao i druge uvjete utvrđene posebnim propisima.
- (2) Za zamjenika općinskog pravobranioca može biti imenovano lice koje je državljanin BiH, ima VSS, VII stepen stručne spreme, diplomu visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, pravne struke, položen pravosudni ispit i iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama u trajanju od najmanje tri godine nakon položenog pravosudnog ispita, te koji posjeduje najviše moralne osobine za obavljanje poslova pravobranioca, kao i druge uslove utvrđene posebnim propisima.
- (3) Općinski pravobranilac i njegov zamjenik ne mogu vršiti službu ili posao koji bi mogao uticati na njihovu samostalnost, nezavisnost ili posao koji je inače nespojiv sa obavljanjem službe pravobranioca.
- (4) O nespojivosti službe ili posla iz stava (3) ovog člana odlučuje općinski načelnik koji o tome upoznaje općinsko vijeće.

### **Član 36.**

#### **(Uslovi za zamjenu općinskog pravobranioca)**

- (1) Kada je općinski pravobranilac spriječen ili odsutan, zamjenjuje ga zamjenik koga on odredi, a ako nema imenovanog zamjenika općinskog pravobranioca ili je on spriječen ili odsutan, općinski načelnik će ovlastiti lice iz reda diplomiranih pravnika koja je državni službenik, zaposlen u općinskoj upravi da obavljaju poslove općinskog pravobranioca, a najduže do godinu dana.
- (2) Iznimno ukoliko nema općinskog pravobranioca, općinski načelnik će ovlastiti lice iz reda diplomiranih

pravnika koja je državni službenik, zaposlen u općinskoj upravi da obavljaju poslove općinskog pravobranioca, a najduže do godinu dana.

- (3) Državni službenik iz stava (2) mora ispunjavati uslove kao zamjenik i ostvaruje sva prava kao zamjenik općinskog pravobranioca.

### **Član 37.**

#### **(Zajedničko pravobranilaštvo)**

Ako je osnovano zajedničko općinsko pravobranilaštvo, odredbe ovog zakona se primjenjuju i na to pravobranilaštvo.

### **Član 38.**

#### **(Svečana prisega)**

Prije stupanja na dužnost općinski pravobranilac i njegov zamjenik daju svečanu zakletvu pred općinskim vijećem koja glasi: “Zaklinjem se da ću se u vršenju službe općinskog pravobranioca - zamjenika pravobranioca pridržavati Ustava i zakona Bosne i Hercegovine, Federacije Bosne i Hercegovine, Zeničko-dobojskog kantona i statuta općine i da ću službu obavljati savjesno”.

### **Član 39.**

#### **(Utvrđivanje prava na plaću)**

- (1) Općinski pravobranilac i njegov zamjenik imaju pravo na plaću.
- (2) Koeficijente za obračun plaće općinskog pravobranioca i zamjenika općinskog pravobranioca utvrđuje općinsko vijeće, kao i druge naknade.

### **Član 40.**

#### **(Polazna osnovica i koeficijent za obračun plaće)**

Način obračuna i polazna osnovica za obračun plaće općinskog pravobranioca i zamjenika općinskog pravobranioca jednaka je obračunu i polaznoj osnovici za obračun plaće državnih službenika i namještenika u općinskim organima.

### **Član 41.**

#### **(Pojedinačna prava)**

O pojedinačnim pravima Općinskog pravobranioca iz radnog odnosa utvrđenim ovim Zakonom i drugim aktima odlučuje općinski načelnik, a o pravima zamjenika odlučuje Općinski pravobranilac.

### **Član 42.**

#### **(Prestanak mandata za vršenje dužnosti općinskog pravobranioca)**

- (1) Mandat općinskog pravobranioca prestaje:
- nakon isteka perioda na koji je imenovan;
  - kada navršši starosnu dob za obavezan odlazak u penziju;

- c) u slučaju podnošenja ostavke;
  - d) u slučaju njegove smjene;
  - e) ako se dokaže na osnovu medicinske dokumentacije da je trajno izgubio radnu sposobnost za vršenje dužnosti pravobranioca.
- (2) Općinski pravobranilac može podnijeti ostavku na svoju dužnost i nastaviti vršiti dužnost pravobranioca do stupanja na snagu odluke općinskog vijeća o njegovoj ostavci. U slučaju podnošenja ostavke, općinski pravobranilac općinskom vijeću podnosi ostavku u pismenoj formi uz naznaku datuma ostavke. Mandat općinskog pravobranioca prema tački 3) stava (1.) ovog člana ističe na dan kada općinsko vijeće prihvati njegovu pismenu ostavku.
- (3) Kada pravobranilac ispuni zakonski uslov za obavezan odlazak u penziju zbog starosti njegov mandat prestaje sa danom ispunjenja starosne dobi.
- (4) Mandat općinskog pravobranioca u slučaju iz stava (1) tačke d) ovog člana ističe na dan koji utvrdi Općinsko vijeće.
- (5) U slučaju kada je izvjesno da će doći do prestanka obavljanja dužnosti pravobranioca prije isteka mandata, općinski načelnik bez odlaganja o tome obavještava općinsko vijeće, kako bi se započeo postupak imenovanja na buduće upražnjeno mjesto pravobranioca a najmanje 60 dana prije isteka mandata.
- (2) Odluku o smjenjivanju općinskog pravobranioca i njegovog zamjenika donosi općinsko vijeće na obrazložen prijedlog općinskog načelnika.

#### **Član 45. (Podnošenje ostavki)**

- (1) Općinski pravobranilac i njegov zamjenik mogu podnijeti ostavku.
- (2) Općinski pravobranilac i njegov zamjenik podnose ostavku općinskom načelniku.
- (3) Općinski načelnik dostavlja općinskom vijeću na usvajanje, ostavku općinskog pravobranioca, odnosno njegovog zamjenika uz obrazložene razloge podnosioca ostavke.
- (4) Danom usvajanja ostavke od strane Općinskog vijeća, općinskom pravobraniocu i njegovom zamjeniku prestaje mandat.

#### **Član 46. (Prava po prestanku mandata općinskog pravobranioca)**

- (1) Općinskom pravobraniocu koji ne bude ponovno imenovan, prestaje dužnost pravobranioca istekom mandata.
- (2) Općinskom pravobraniocu koji nakon isteka mandata ne bude ponovo imenovan, a ne postoji mogućnost da se rasporedi na radno mjesto na koje je bio raspoređen prije imenovanja ili drugo mjesto koje odgovara njegovoj stručnoj spremi, pripada pravo na plaću u visini njegove posljednje plaće i na druge naknade, uključujući zdravstveno i penziono osiguranje, do ponovnog zasnivanja radnog odnosa, a najduže dvanaest mjeseci nakon prestanka mandata, u kojem periodu je u radnom odnosu u Općinskom pravobranilaštvu.
- (3) Naknada iz stava (2) ovog člana ne pripada općinskom pravobraniocu i njegovom zamjeniku koji podnesu ostavku ili budu smijenjeni.

#### **Član 47. (Udaljenje od vršenja službe)**

- (1) Općinski pravobranilac, odnosno zamjenik općinskog pravobranioca bit će udaljen od vršenja službe ako je protiv njega određen pritvor.
- (2) Odluke o udaljenju od vršenja službe općinskog pravobranioca i njegovog zamjenika donosi općinsko vijeće na obrazložen prijedlog općinskog načelnika.

#### **Član 43.**

##### **(Smjenjivanje sa funkcije)**

Postupak smjenjivanja općinskog pravobranioca i njegova zamjenika od obavljanja službe pokrenut će se ako se utvrdi da je:

- a) osuđen za krivično djelo koje ga čini nedostojnim za obavljanje službe;
- b) izvršio težu povredu službe, odnosno ugleda službe;
- c) neuredno ili nekvalitetno obavljao službu;

#### **Član 44.**

##### **(Podnošenje prijedloga za smjenjivanje)**

- (1) Prijedlog za pokretanje postupka smjenjivanja općinskog pravobranioca i njegovog zamjenika podnosi općinski načelnik općinskom vijeću, uz obrazloženje o razlozima smjenjivanja a nakon izjašnjenja pravobranioca o prijedlogu općinskog načelnika.



**Član 48.**

**(Izuzeća)**

- (1) Odredbe procesnog zakona o izuzeću sudije primjenjuju se i na općinskog pravobranioca i njegovog zamjenika.
- (2) O izuzeću zamjenika općinskog pravobranioca odlučuje općinski pravobranilac, a o izuzeću općinskog pravobranioca odlučuje općinski načelnik.

**Član 49.**

**(Obavljanje drugih poslova)**

- (1) Stručne i administrativno-tehničke poslove obavlja određeni broj državnih službenika i namještenika koji se utvrđuje Pravilnikom o unutarnjoj organizaciji Općinskog pravobranilaštva kojeg donosi Općinski pravobranilac uz saglasnost Općinskog načelnika.
- (2) Broj državnih službenika i namještenika utvrđuje se srazmjerno broju pravobranilaca.

**Član 50.**

**(Izvjestaji o radu)**

Općinsko pravobranilaštvo podnosi jednom godišnje općinskom vijeću i općinskom načelniku izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije općinskog pravobranioca.

**DIO TREĆI - SREDSTVA ZA RAD PRAVOBRANI-  
LAŠTVA**

**Član 51.**

**(Sredstva za rad)**

- (1) Sredstva za rad pravobranilaštva osiguravaju se u Budžetu Kantona, odnosno općine.
- (2) Ako je osnovano zajedničko pravobranilaštvo za područje dvije ili više općina, općinska vijeća tih općina će sporazumno utvrditi iznos potrebnih sredstava za rad zajedničkog pravobranilaštva kao i visinu sredstava sa kojim će svaka općina sudjelovati u finansiranju zajedničkog pravobranilaštva.

**Član 52.**

**(Finansijsko i materijalno poslovanje)**

Finansijsko i materijalno poslovanje pravobranilaštva obavlja se na način koji važi za kantonalne i općinske organe uprave.

**Član 53.**

**(Tarife)**

- (1) Za radnje u zastupanju pred sudovima i drugom tijelima u slučaju iz člana 11. stav (2) ovog zakona,

pravobranilaštvo ima pravo na nagradu i naknadu troškova prema tarifi o nagradama i naknadama troškova za rad advokata.

- (2) Sredstva koja prilikom zastupanja ostvari pravobranilaštvo prihod su Budžeta Kantona, odnosno općine.

**DIO ČETVRTI - PRIJELAZNE I ZAVRŠNE  
ODREDBE**

**Član 54.**

**(Iskaznica)**

- (1) Kantonalnom pravobraniocu i njegovu zamjeniku, odnosno općinskom pravobraniocu i njegovom zamjeniku izdaje se službena iskaznica.
- (2) Ministar Ministarstva će posebnim Pravilnikom propisati obrasce i način izdavanja službene iskaznice.

**Član 55.**

**(Donošenje pravilnika)**

Pravilnik o poslovanju i vođenju evidencije u Kantonalnom odnosno općinskom pravobranilaštvu donosi ministar Ministarstva.

**Član 56.**

**(Nastavak rada)**

- (1) Danom stupanja na snagu ovog Zakona Kantonalno pravobranilaštvo Zeničko-dobojskog kantona i općinska pravobranilaštva na području Kantona nastavljaju svoj rad u skladu sa ovim zakonom.
- (2) Istekom roka od 6 mjeseci od dana stupanja na snagu ovog zakona, prestaju važiti sve odluke na osnovu kojih je Kantonalno pravobranilaštvo Zeničko-dobojskog kantona imalo ovlaštenje da obavlja poslove općinskog pravobranioca Općine Zenica, na osnovu čega prestaje ovlaštenje Kantonalnog pravobranilaštva za obavljanje poslova općinskog pravobranilaštva za Općinu Zenica.
- (3) Nakon proteka roka iz stava (2) ovog člana prestaje ovlaštenje Kantonalnom pravobraniocu da obavlja poslove općinskog pravobranilaštva za Općinu Zenica.

**Član 57.**

**(Zatečenost na radu i nastavak rada)**

Iznimno, od odredbe člana 35. ovog zakona pravobranilac, odnosno zamjenik pravobranioca koji je zatečen na radu na dan stupanja na snagu ovog zakona nastaviti će obavljati funkciju pravobranioca, odnosno zamjenika pravobranioca bez obzira na dužinu radnog staža nakon položenog pravosudnog ispita.

### Član 58.

#### (Usklađivanje pravilnika)

Kantonalno pravobranilaštvo i općinsko pravobranilaštvo će u roku od 90 dana od dana stupanja na snagu ovog zakona uskladiti pravilnike o unutrašnjoj organizaciji pravobranilaštva sa ovim zakonom.

### Član 59.

#### (Podzakonski propisi)

Ministar Ministarstva će u roku od 30 dana od dana stupanja na snagu ovog zakona, donijeti Pravilnik o obrascima i načinu izdavanja službene iskaznice iz člana 54. ovog zakona i Pravilnik o poslovanju i vođenju evidencija u Kantonalnom, odnosno općinskom pravobranilaštvu iz člana 55. ovog zakona.

### Član 60.

#### (Prestanak važenja propisa)

Danom stupanja na snagu ovog Zakona prestaje da važi Zakon o pravobranilaštvu („Službene novine Zeničko-dobojskog kantona“, broj 14/08), Pravilnik o službenoj iskaznici Kantonalnog pravobranioca i zamjenika Kantonalnog pravobranioca („Službene novine Zeničko-dobojskog kantona“, broj 2/09) i Pravilnik o poslovanju i vođenju evidencije u kantonalnom pravobranilaštvu Zeničko-dobojskog kantona („Službene novine Zeničko-dobojskog kantona“, broj 2/09).

### Član 61.

#### (Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-20196/13  
Datum, 25.09.2013. godine  
Zenica

**PREDSJEDAVAJUĆI**

**Sretko Radišić, s.r.**

373.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 44. sjednici, održanoj dana 25.09.2013. godine, d o n o s i:

## Z A K O N

### o izmjenama i dopunama Zakona o kantonalnim administrativnim taksama

#### Član 1.

U Zakonu o kantonalnim administrativnim taksama – Prečišćeni tekst („Službene novine Zeničko-dobojskog

kantona“, broj: 13/02, 12/03, 4/04, 5/04, 4/08, 7/09, 2/10, 6/10 i 9/10, u daljnjem tekstu: (Zakon o kantonalnim administrativnim taksama), član 12. mijenja se i glasi:

“Takse predviđene ovim zakonom plaćaju se u taksenim markama ili uplatom na žiro-račun Zeničko-dobojskog kantona putem jedne od komercijalnih banaka.

Takse Kantona su prihod budžeta Kantona.”

#### Član 2.

U Zakonu o kantonalnim administrativnim taksama, član 13., se briše.

#### Član 3.

U Zakonu o kantonalnim administrativnim taksama, u članu 17., u stavu 1., iza tačke 15., dodaju se nove tačke 16., 17., 18., 19., 20., 21., 22., 23., 24. i 25., koje glase:

“16. Zahtjevi za izdavanje vodnih akata (prethodna vodna saglasnost, vodna saglasnost i vodna dozvola);

17. Registracija veterinarskih organizacija;

18. Upis u registar proizvođača osvježavajućih bezalkoholnih pića, voćnih sokova i sirupa i flaširanih voda;

19. Upis u registar proizvođača mlinskih proizvoda;

20. Nadoknada štete nastale na poljoprivrednim kulturama i stoci od strane divljači;

21. Službene iskaznice za lica koja obavljaju poslove zaštite ljudi i imovine;

22. Mišljenje o ispunjavanju uslova propisanih Odlukom o oslovima i trajanju karantina za uvezene životinje;

23. Uvjerenje da na području kantona/općine nije utvrđena/prijavljena bolest “Američka kuga”;

24. Zahtjev za donošenje rješenja o sanitarno-preventivnoj saglasnosti za izgradnju, adaptaciju i upotrebu zdravstvenog objekta;

25. U postupcima koje provodi Ministarstvo za privredu Zeničko-dobojskog kantona za izdavanje:

a) rješenja kojima se utvrđuju minimalni uslovi za obavljanje industrijskih djelatnosti,

b) rješenja – dozvole za bavljenje registriranom djelatnosti iz oblasti geoloških istraživanja i eksploatacije mineralnih resursa,

c) rješenja – dozvole za istraživanje mineralnih resursa,

d) rješenja – potvrde o verifikaciji geoloških rezervi mineralnih resursa,

e) rješenja – dozvole za eksploataciju mineralnih resursa,

f) rješenje – odobrenja za izvođenje radova po glavnom i dopunskom rudarskom projektu,

g) rješenja – uporabne dozvole za rudarske projekte, opremu i mašine,